

损德害人 莫甚於此 天命自然 岂宜如是

十二 睦亲故

凡亲戚故旧 世为通家者 皆当尽诚敬以相接 务得其心 非有大故 不得以谗相毁 轻相绝离其所厚者 薄则无所不簿矣

十三 敬耆老

凡族内年七十以上者 同族之人 时相问候 每岁着率备酒肉以资馈养 或家贫量助衣食及备棺槨 庶养送终 两存厚道矣

嘉庆辛未家训六条

第一条尊祖敬宗

物本乎天，人本乎祖。祖宗乃家之所由起身之所自来也。以我之身思父母之身，因以父母之身远溯乎高曾以上之身，水源木本，不俨然如将见之哉！况音容虽杳，功德难忘。时势或殊，培养则一。先王大报本之典，圣人致如在之诚，不忘祖也。人而忘祖，本实先撥，曷克为人？惟尊且敬之，修其墳墓，盡其孝享。而凡为人子读书力田，各修本业，庶亦对祖宗无愧也。敢不率者，不许入祀。

第二条孝顺父母

父母与祖宗一也。念吾一家，祖宗为重；念吾一身，父母为重。当其怀抱之时，鞠育抚摩，劬劳固难殚述。及稍长而教之，读衣食一切，宁损己以待其子，或不尽能读。

书教之力农使之谋艺皆不知几费经营几经审慎既而娶之室立之家父母之望弥殷父母之憂弥切试思此等恩勤殒身能报乎为子者诚能体父母之心为心即以父母待己之心以事其父母无论富贵贫贱各称其力各盡其心庶可立于人世若私其妻子不顾父母小则触犯大则忤逆天理王法在所不容族中有此除家法責懲外公同送究并不许入譜入祠

第三条友爱兄弟

兄弟分形连气之人也比之手足比之雁行以其痛癢相關恩义一体古人大被同眠灼艾分痛无非笃友恭之谊诚能兄爱其弟弟敬其兄弗以小忿生忌刻弗因财利起争端居常协力维持有事同心御侮庶家和而福自生矣夫期功之兄弟亦当视同亲生况同为父母所生爱敬兄弟即爱敬父母兄弟既翕父母亦顾而乐

之若不肖之徒或为妇言所惑日致参商或因旁人离间致同陌路如此之人必至不爱其亲而爱他人不敬其亲而敬他人试问情投意洽之外人果能如骨肉否耶凡我同宗其共懍之

第四条和顺夫妇

阴阳和而雨泽降夫妇和而家道成此常语也实至理也闺门万化之原故诗詠河鸠礼明伉俪未有夫妇不和而家道可成者然家庭之内夫妇之情易褻夫妇之礼最严必须男位乎外不偏听私言妇位乎内不干预外事夫和而义妇柔而正乃可称为贤夫妇若夫则无能而致牝雞之索妇则无德而貽反目之伤宗族咸羞乡党不齿岂不深可叹哉

第五条教训子孙

孟子曰中也养不中才也养不才故人乐有贤父兄也父兄之教不先子弟之率不谨迹其顽梗半由童穉时优容以养之也故当其幼时即教以子弟之道行事必谨言语必信毋骄傲毋慢游及长则先以读书为上策访名师择益友朝夕课读期于有成果读书苦心孤诣自能业成名立上可为祖宗增色下可为一门争光万一或功名小就或终身白丁亦不失为明理笃行之士如家寒不能肄业资钝不能读书即教以务农或专一艺行正道近正人服贾力田皆可称为良子弟每见为父母者有任其怠惰废业聽其曠比匪人后来赌博嬉游贪酒淫佚甚至饥寒交迫男有败行女有醜声殊堪切齿凡我族人急宜引以为戒

第六条和睦宗族

同宗共祖一胼所分门户或别情义则均盖分宗族言之虽有亲疎远近之殊

而合宗族視之則均爲祖宗之子孫也有尊于我者在我有子弟之職有卑于我者在我有父兄之職禮以接之恩以遇之不以細故懷仇恨之心不乘危困有樂禍之心不以彼之富貴生嫉妒不以彼之貧賤起厭薄如此則疏亦親遠亦近也每見有暴戾之徒不顧一本九族之誼以強凌弱以衆暴寡以富貴欺貧賤以智巧絡庸愚或因田土構訟或因財利而鬭爭如此之人實爲外人所竊笑族中有此即行責罰